

Documenti ricacciati di à rivista di stampa di l'ADECEC

(<http://rivista.adecec.eu/index.php>)

SNCM

Forse chì u nome SNCM hà da smarisce da quì à qualchì tempu. Eri mane, in Marseglia, Marc Dufour, u PDG di a cumpagnia, hà annunziatu chì Veolia vole ritirassi da u capitale di a SNCM. Hà annunziatu dinù a pussibilità d'urrganizazione di una sucietà d'ecunomia mista pè a cumpagnia. Ci era dinù u STC, sindicatu magiuritariu à a SNCM.

Scatt'à musica

In Pigna, Marie-Claire Darneal fabricheghja è vende cù l'aiutu di Marina e so scatule à musica dapoi più di 20 anni. Sò ripresentati solu persunagi è animali campendu in Corsica è s'ogetti facenu rinvivì u passatu cù i so ricordi. Ste scatule anu assai successu.

A zerga di i trasportadori isulani

I trasportadori isulani so in zerga. Dinunzianu l'attitudine di certe intraprese di travagli publichi chi attribuisce u marcatu di a CTC. In fatti chjamanu sucietà di trasportu venute da u cuntinente è ancu di u strangeru. U sindicatu di i trasportadori corsi hà bluccatu durante un ora u cantieru in Aghione nanzu di scuntrà i rispunsevule per fà valè e so qualificazione.

CCI in Bastia

A Camara di Cumerciu è d'Industria di Corsica in Bastia, hè oramai ufficiale. In fatti, l'articulu 1u di u decretu di u Primu Ministru publicatu eri mane à u Ghjurnale Ufficiale face di Bastia a sedia di a CCI regionale è a capitale economica di l'isula. Un bilanciu di 400 000 auri hè statu d'altronde vutatu pè u 2012. Una decisione chì hà fattu nasce assai suddisfazioni, frà altru pè François Tatti, aghjuntu à u merre di Bastia è consiglieru territoriale.

Successu di a fiera di Bucugnà

A vintinovesima edizione di a fiera di a castagna s'hè compia eri dopu à trè ghjorni di festa. Sta nova edizione hà avutu un bellu successu cù numerosi visitadori presente per scopre a castagna è tutti i so prudutti derivati.

Ghjurnata d'azione

Parechji sindacati chjamanu oghje à a ghjurnata naziunale d'azione contr'à i piani d'austerità di u governu. Duie addunite sò urrganizate in Bastia, davant'à a prefettura à 10 ore è mezu è davant'à a prefettura d'Aiacciu à 3 ore.

Pescaturisimu

U pescaturisimu hè un mudellu di pesca pè l'avvene è hè statu presentatu in Parigi. Si tratta d'imbarcà turisti nant'à battelli di pesca è dinù di presentalli a prufessione di pescadore.